



Piginneqatigiilluni inissiat pillugit Inatsisartut inatsisaata allanngortinnissaa pillugu Inatsisartut inatsisaat (Inissiat attartortittakkat allanngortinnerat, kaaviiartitsinissamut inerteqqut il.il.)

(Ineqarnermut Attaveqaasersuutinullu Naalakkersuisoq)

Siullermeerineq

Piginneqatigiilluni inissiat pillugit Inatsisartut inatsisaata allanngortinnissaa pillugu Inatsisartut inatsississaattut siunnersuut Naalakkersuisut sinnerlugit ineqarnikkut inatsisissatut siunnersuuterpaaluit Ineqarnermut Attaveqaasersuutinullu Naalakkersuisup saqqummiussarpassuisa ilaat una qaqilerneqartoq Naleqqamiit imatut oqaaseqaateqarfigissavarput.

Ineqarnermut tunngassuteqartut arlaqartut saqqummiussorneqartut una ilagiiinnarpaat, taakkulu ineqarnikkut aaqqissuusseqqinermik toqqammavilersuutitut Naalakkersuisut toqqammaviginiagaat ataqatigiinngitsut una ilagiiinnarpaat ilami ataqatigiinnerat ilungersunaannanngilaq aningaasalersorneqannginnerat aammalu innuttaasunut sunniutissai annertunerusumik qulakkearniarneqarsimanginnerat ilungersunartuuvoq.

Uani allannguutissatut Inatsisartut inatsississaattut siunnersuummi piginneqatigiilluni inissiat pillugit Inatsisartut inatsisaat naapertorlugu piginneqatigiilluni inissialiornissamut taarsigassarsiarititassat allaffissornikkut suliarineqartarmata pingaaruteqartutut isigaluarparput inatsimmut atatillugu ataatsimut ataqatigiissumik saqqummiisoqarluni aaqqissuussisoqassasoq ila ilaartuisaarluni mattusersuiinnarani ataatsimut aaqqiisoqartariaqarluinnaraluarmat.

Piginneqatigiilluni inissiaatileqatigiiffiup inissianik sanaartornissami imaluunniit nutaanik pisinissami aningaasalersorneqarnissaanut taarsigassarsitinneqarnissaminut, najugaqarfimmini kommunalbestyrelsimut qinnuteqarnissaanut aaqqiissuteqarnermi matumani periarfissaasut aallaaviglugit periarfissarsionerunissaq aammalu inuit inigisaminnik piginnilernissaat ajuusaarnaraluartumik uani inatsisissatut siunnersuummi tamakkiisumik saqqummiunneqannginnerat Naleqqamiit uggoreqaarput.



Piginneqatigiilluni inissiatileqatigiiffik taarsigassarsitinneqarsinnaassaguni, piginneqatigiilluni inissiatileqatigiiffimmut piumasaqaaterpassuupput, soorlu inissiatillit peqatigiiffiat ataaseq ikinnerpaamik pingasunik ataatsimoorussamik najugaqarfiusumik inissiarqassaaq tamarmillu immikkut isertarfeqassapput taamatullu taamaallaat taarsigassarsisitsisoqarsinnaavoq, inissiami inissiap annertussusaanut annerpaamik 110 m² angullugu, aningaasartuutinullu tamarmiusunut annerpaamik m²-imut kr. 20.000-it angullugit taarsigassarsisitsisoqarsinnaalluni aaqqissuussisoqarsimavoq, taamatullu piginneqatigiit piginneqataasut akornanni akiusup 5 %-iannik siulequtsiillutik akiliuteqarnissaat piumasaqaataasooq aaqqissuutaasimasut ilagaat aningaasartuutillu sinneruttut tamarmiusunit, piginneqatigiilluni inissiatillit peqatigiiffiata nammineerluni aningaasalersortussaallugit aaqqissuussaalluni. Tamakku tamaasa ataatsimiititaliami ilanngullugit nalilersorluarneqarnissat ataatsimiititaliami Naleqqamiit kissaatigaarput aqutissisoqarsinnaanera pitsaannerusumik eqaannerusumillu periariffissarsiornissat eqqarsaatigalugit.

Qulaajagassani nalilersugassagut inissisimasut ilagaat Nuummi sulianut aningaasartuutissat tamarmiusut 45 %-ii tikillugit kommunalbestyrelsi taarsigassarsisitsisinnaasooq saqqummiunneqarpoq, taamatullu inissiamut ataatsimut taarsigassarsiarititassat annerpaamik 990.000 koruuniusinnaasut.

Qaqortumi, Sisimiuni, Aasianni Ilulissanilu sulianut aningaasartuutissat tamarmiusut 55 %-ii tikillugit kommunalbestyrelsi taarsigassarsisitsisinnaasooq saqqummiunneqarpoq, taamaattullu inissiamut ataatsimut taarsigassarsiarititassat amerlanerpaamik 1.210.000 koruuniusinnaasut saqqummiuppoq.

Maniitsumi Tasiilamilu sulianut aningaasartuutissat tamarmiusut 60 %-ii tikillugit kommunalbestyrelsi taarsigassarsisitsisinnaasooq saqqummiunneqarpoq, taamaattullu inissiamut ataatsimut taarsigassarsiarititassat amerlanerpaamik 1.320.000 koruuniusinnaasut oqaatigineqarpoq. Inoqarfinni allani sulianut aningaasartuutissat tamarmiusut 65 %-ii tikillugit kommunalbestyrelsi taarsigassarsisitsisinnaasooq saqqummiunneqarpoq, taamaattullu inissiamut ataatsimut taarsigassarsiarititassat amerlanerpaamik 1.430.000 koruuniusinnaasut oqaatigineqarput.



Atuilernissamut akuersissutip imaluunniit illuutip tiguneqarnerata ullua aallarnerfigalugu taarsigassarsiarititat ukiut 30-t tikillugit ernialersugaanatillu akilersugassaangillat, tamatumalu kingorna ukiut 15-it tikillugit amerlaqatigiinnik akilersorneqassallutik. Taarsigassarsiarititat piginneqatigiilluni inissiatillit peqatigiiffiata illuutaa qularnaveeqqusiullugu qularnaveeqquserneqassapput.

Atuilernissamut akuersissutip imaluunniit illuutip tiguneqarnerata ullua aallarnerfigalugu taarsigassarsiarititat ukiut 30-t tikillugit ernialersugaanatillu akilersugassaangillat, tamatumalu kingorna ukiut 15-it tikillugit amerlaqatigiinnik akilersorneqassallutik. Taarsigassarsiarititat piginneqatigiilluni inissiatillit peqatigiiffiata illuutaa qularnaveeqqusiullugu qularnaveeqquserneqassapput.

Aningaasalersueriaatsit inissiatileqatigiiffinni Naalakkersuisut nalilersorlugillu pitsangorsaaniartussaagaluarpud Naleqqamiilli isumaqarpugut Naalakkersuisup suliasani suliarisimangikkaa, tamakkerlugu qulakkeersimangikkaa tamannalu ilungersunartutut isigaarput, taamaamat suliaq naammassineqarsimangitsumik saqqummiunneqartoq uggoringaarlutigu taamatut oqaaseqaateqarfigaarput.

Naleqqami isumaqarpugut pisortat inaataat piginneqatigiilluni inissiatut tuninneqartassangitsut Naleqqami isumaqaratta tunniunneqassasut inuit, nunap inuisa, inertik nammineq pigilertariaqarpaat akit qaffassaqqinnagit apparsartariaqaratsigit.

Inissiat attartukkat pisortanut aningaasarsiuutigeqqinnagit inunnut nalilittut pigiligassatut tunniuttariaqarput nunap inuisa naleqartunik peqarnissaat pisortat uloriagiunnaarniarlissuk pissarissaarnerusut periarfissaq atorluartagaat tamanut atuutinneqalerniarli.